

ლიტერატურათმცოდნეობა

დალი ბეთქოშვილი

ვმ. ჩეთევან დედოფლის სახის საღვთისმათყველო და
მხატვრული გააზრება ანტონ პირველი კათალიკოსის
პაზიოზრაციული ოზუშლებების მიხედვით*

მოკლე შინაარსი

ქეთევან დედოფლის მოწამეობრივი ცხოვრება ასახულია ანტონ პირველი კათალიკოსის პაგიოგრაფიულ-მხატვრულ თხზულებებში „შესხმა და მოთხოვბა დუაწლოა და ვნებათა წმიდისა დიდისა მოწამისა დედოფლისა ქეთავანისთა“ და „სპარაქის პირულად სათუეოთაგან და მერმე წმიდისა ქეთავანისა“. დასახელებულ პაგიოგრაფიულ ნაწარმოებებში ქეთევანის მხატვრული სახე პაგიოგრაფიული ჟანრის სპეციფიკის კვალიობაზეა წარმოსახული, ამიტომაც მასში ჩანს, რომ მისმა მოწამეობრივმა დავაწლია „დედოფლის“ მიხია და მერადრე წმიდანად წარმოჩნდა; ქეთევან დედოფლი გვევლინება დედოფლობიდან, ამქვეყნიური პატივიდან დათის მიერ მოვლენილ წმიდანად, რომელიც დამაკავშირებელად შეიქმნა და ცემული ადამის მოდგმისა შექმნელ დმერთოან – ეს არის დმერთოან კავშირის აღდგენა, სარწმუნოების განახლება, დათაებრივი მადლის მონიჭება.

ანტონ პირველი წმიდა ქეთევანს ქრისტეს ნათლით ადგისლად წარმოაჩენს, რადგან მასში ცხოვნების მადლი არის დასადგურებული და ჭირთა მტვილოველმა ქალმა, განსაცდელში გამობრძმედილმა მტერი დასძლია; ქეთევან წამებული წარმოსახულია ღმერთის სათხოებებით და სარწმუნოებით მცხოვრებ, კეთილგონიერ, ბრძენ, კეთილ საქმეთა მოქმედ, მშვენიერებით ადსავსე პიროვნებად.

სახარებისეული სიბრძნის მოშველიებით, ანტონ პირველი ქეთევანის წმიდანობას შარავანდედით მოსავს და წარმოაჩენს როგორც ქრისტეშემოსილ პირვენებას, რომელმაც ქრისტეს მსგავსად მრავალი სატანჯველი მიიღო და სისხლის დათხევით ცოდვათა განწმედას მიაგო მოელი სულიერი ცხოვრება; წმიდა დედოფლის სულიერი დავაწლი მიმართული იყო არა ამქვეყნიური კეთილდღეობის დამკვიდრებისაგენ, არამედ უფლის დიდებისათვის, დათაებრივი სრულყოფისაგნ... ავტორი ქეთევან წამებულს წარმოაჩენს როგორც უფლისადმი

* ნაშრომში წმ. ქეთევან დედოფლის სახე გაანალიზებულია ანტონ პირველი კათალიკოსის ორი პაგიოგრაფიული თხზულების მიხედვით: „შესხმა და მოთხოვბა დუაწლოა და ვნებათა წმიდისა დიდისა მოწამისა დედოფლისა ქეთავანისთა“ და „სპარაქის პირულად სათუეოთაგან და მერმე წმიდისა ქეთავანისა“.

დაუცხრომდად მლოცველს, ლოცვა კი ღმერთთან ზიარების ერთ-ერთი მძლავრი გზაა მოკვდავი აღამიანის ღმერთთან დასაკავშირებლად.

ანტონ I კათალიკოსის თხზულებებით კიდევ ერთხელ წარმოჩნდა ქეთევან წამებულის სულიერი, მოწამეობრივი ღვაწლი და დვოისმ-შობლის ანალოგიით ერის და რწმენის მფარველი სახე-ხატის კვლავ ერთი გააზრება აისახა ქართულ მწერლობაში.

Dali Betkhoshvili

SAINT KETEVAN'S THEOLOGICAL AND ARTISTIC UNDERSTANDING ACCORDING TO HAGIOGRAPHIC WRITINGS BY ANTON I CATHOLICOS

Abstract

Queen Ketevan's martyric life is reflected in hagiographic works by Anton I Catholicos - "The Praise of Queen Ketevan and Describing her Contribution and Suffering" and "A Brief Edition of The Torture Of Queen Ketevan". In the above mentioned hagiographic works Ketevan's artistic face is presented in the hagiographic genre. Queen Ketevan is presented as a saint because of her martyric contribution that covers "queen's" mission. Queen Ketevan is a saint sent by God who is a link of a sinful man with his creator. It means to renew the connection with God, to renew the faith and give divine love.

Anton I describes Ketevan who always reads prayers to the Light as she loves the life, an unhappy woman overcomes the enemy. Ketevan is described as a virtuous, sensible, wise, kind, wonderful person who believes in God.

With the help of Gospel's wisdom, Anton I haloed St. Ketevan's sanctity and shows her personality who like Christ has got a lot of suffering and who sacrificed all her spiritual life to be free out of sins. Saint Queen's spiritual contribution was directed not towards the establishment of her worldly wealth well-being but for the glory of the Lord for its divine perfection. The author describes Ketevan's torture as a person who prays for God and the prayer is one of the powerful ways towards God, a powerful way of a mortal to be connected with God.

In his works Anton I, Catholicos once again showed Ketevan Martyr's spiritual contribution and a character of a patron of the nation and the faith in the analogy of Virgin Mary in Georgian literature.

საჯანძო სიტყვები: ანტონ პირველი კათალიკოსი, ქეთევან წამებული, ჰაგიოგრაფია, ოეიტურაზ პირველი, ღმერთი, სახარება, რწმენა.

Key words: Anton I Catholicos, Ketevan martyr, hagiography, Teimuraz I, God, the Gospel, faith.

შესავალი. ქეთევან დედოფლის მოწამეობრივი ცხოვრება მუდამ აქტუალური იყო ქართულ მწერლობაში და ხელოვანნი ცდილობდნენ აქსახათ მისი მხატვრული სახე, რომელიც ისტორიულ და პაგიოგრაფიულ ჭრილშია წარმოჩენილი, მაგრამ მოწამეობრივმა დგაწლმა დაფარა მისი, როგორც „დედოფლის“, მისია და მეტადრე წმინდანად წარმოგვისახა. ამას ამართლებს და ამყარებს ის სივრცითი გზა, რომელიც დედოფლის გაიარა თავისი ქვეყნიდან შორეულ სპარსეთამდე, უცხო მიწამდე და ამ გზაზე ასახულმა მისმა სატანჯველმა სულ სხვა სივრცე და სულიერი სიმაღლე პკოვა, რადგან მასში ზებუნებრივი ძალა და გონება არის დასადგურებული, იგი წმიდანად არის გარდასახული, წმიდანად გარდაქმნა-გარდასახვას (=სიკვდილის დაძლევას) რწმენის შემწეობით აღწევს. რწმენით ცხოვრება ქრისტეს გზაზე დადგომაა, ქრისტეს გზა კი გოლგოთა, ჯვარცმა, სიკვდილი, ადგომა და ამაღლებაა, და თითოეული ეს საფეხური ქეთევან წამებულის მოწამეობრივ ცხოვრებაში ნათლად არის ასახული და წარმოჩენილი.

მსჯელობა. ანტონ კათალიკოსი თავის ჰაგიოგრაფიულ-მხატვრულ თხზულებაში „შესხმა და მოთხოვობა დუაწლთა და ვნებათა წმიდისა დიდისა მოწამისა დედოფლისა ქეთავანისთა“ სათქმელის გადმოსაცემად, დედოფლის მხატვრული სახის გააზრებისას, რამდენიმე წყაროს იყენებს: თეიმურაზ პირველის პოემას „წამება ქეთევან დედოფლისა“, ვახუშტის ისტორიას, სომები ისტორიკოსის არაქელის მონათხოვბის, ლათინთა მექისტორიეთა გადმოცემებს და სხვ. მაგრამ უნდა აღინიშნოს, რომ ყველაზე სანდო წყაროდ, როგორც თვითონვე წერს, თეიმურაზ მეფის ნაწარმოები მიაჩნია. დავიმოწმებ ერთ ადგილს: „აქავიდრებე ყოველნი ვნებანი წმიდისანი მოთხოვობილთაგან სხვათასა, მეფისა, მისა მისისა, თქმულნი უსარწმუნეს მიჩნს ამად, რომელ ყოველთა დიდნი და საზარონი აღწერნებს ტანჯუანი და ითქვა მეფისაგან არა მეტი რამე, რათა მითმცა უდიდესი დიდებად სოფლად მოუგოს დედასა თუსსა, ესებუარი არარამე არს“ (ბაგრატიონი, 1980: 32).

ანტონ ბაგრატიონი თხზულების „შესხმა და მოთხოვბა...“ შესავალშივე ქეთევან დედოფლის, მის წამებულ სახეს ასეთი სიტყვებით ამკობს: „ეს ქრისტეს სძალი, იასპ მჭკრუალი ლალი,

/ არ ნათელ მცხრალი, არ უუგილ ფერით მზრალი. / აქუს სადმრთო ალი, ვითა ცხოველი წყალი, / გული უძს სალი, მით დაჭსცა მძლავრი მწყრალი. / ამას იქმს ქალი, ბუნებით ჭირთა მკრთალი“ (ბაგრატიონი, 1980: 12).

მოწანილ სტრიქონებში ბევრი სახე-სიმბოლოა გამოყენებული, რომელთა სახისმეტყველებითი გააზრება შემდეგში იქნება წარმოდგენილი. აქ, მხოლოდ ნაწილს განვიხილავთ. ანტონ პირველი ქეთევანის სახეს საღვთო სიმბოლიკით ტვირთავს, რათა ჟაჟო წარმოჩნდეს დედოფლის ისედაც სულიერად ამაღლებული, დემერთით შთაგონებული სახე, რომელიც წუთისოფლის მარადიულთან მაკავშირებელია, რადგან, უპირველქად, თვითონ არის მარადიულთან წილნაკარი, რასაც აძლიერებს და სრულყოფს უცხო დრო-სივრცული გარემო, რომელიც აღადგენს და სრულყოფს დედოფლის ხატ-სახეს, მის დაცემულ ადამიანურ სახეს დმერთან აახლოებს და სისრულისაკენ, ხატის აღდგენისაკენ მიჰყავს. მისი სულიერი სიდიადე განახორციელებს სასოებას, საუკუნო ცხოვრებას, მიმსგავსებას უფლისადმი. ეს ყოველივე განსაცდელის დათმენის წილ მიიღწევა, რაც, წმ. ისააკ ასურის სიტყვით, „ექმნეს დმერთან მიახლოების მიხეზად, რათა განისწავლოს და გამოიცადოს განსაცდელთა მიერ“ (წმიდა ისააკ ასური, 1991: 243).

ქეთევან დედოფალი გვევლინება დედოფლობიდან, ამქვეყნიური პატივიდან დევთის მიერ მოვლენილ წმიდანად, რომელიც სიდია, შემაერთებელი ძაფია დაცემული ადამის მოდგმისა შემქმნელ დმერთან – ესაა დმერთან კაჯშირის აღდგენა, სარწმუნოების განახლება, დევთაებრივი მაღლის მონიშება.

ანტონ კათადიკოსს წმ. ქეთევანი დასახული ჰყავს „ქრისტეს სძლად“, წარმოაჩენს ნათლით აღვხილად, რომელიც სადმრთო ალით, კ. ი. მისადმი მსახურებით გაჯერებულია, რომელშიც ცხოვნების მადლი არის დასადგურებული და ჭირთა მატარებელმა ქალმა, განსაცდელში გამობრმედილმა, მძლავრი სძლია; ავტორს ქეთევანი საღვთო სივრცით ჰყავს წარმოჩნდილი. იგი შემკობილი ჰყავს „სიტყვასთან“ – დმერთან შესახვედრად, მასთან სულიერი ქორწინებისათვის, ზიარებისათვის ამზადებს (ბეთხოშვილი, 2010: 167).

ანტონ პირველი ნაშრომის შესავალში აღნიშნავს, რომ სჯობს თავისი დუმილი დაარღვიოს, რადგან ასეთი მნიშვნელოვანი სათქმელის გადმოცემას აუცილებლობად მიიჩნევს, რადგან როგორც ვარსკვლავები იძერიან ერთი სივრციდან მეორეში და

მეტ ნათელს ქმნიან: „.... სხუაფერ დაწყობილება ერთისაგან უკუე მიღება ნათლისა და მით განათლება და მნათობ ზედწოდება“ (ბაგრატიონი, 1980: 13) და ესე გვარნი მოითხოვს სხვაგვარ მადლის ქმნას და საჭიროა, ორმ სიტყვით უნდა გადმოსცეს უთუოდ სათქმელი, თუნდაც მოკლედ, რადგან ესეც ღვთივბოძებულია: „.... და ესე მოკლედ თქმა არს ღვთისმთავრობითი გუარი შობისა“, – წერს ანტონ ბაგრატიონი (ბაგრატიონი, 1980: 15).

ავტორი სანამ ქეთევან დედოფლის ღვაწლზე იტყვის სათქმელს, მანამდე, ბუნებრივია, იხსენიებს სამებას და მკითხველი რომ შეიყვანოს ადამიანის სულის სამყაროში და გააცნობიერებინოს, ამაში დასახმარებლად ახსენებს ადამიანის, კაცის ორ ბუნებას: „ერთი განუსაზღურებელ, უკუდავ, მიუწოდელ, გარეშეუწერელ, შეუხებელ, ხოლო მეორე იგი მოკუდავ, მისაწოომელ, გარეშესაწერელ, შესახებელ“ (ბაგრატიონი, 1980: 15-16).

თავდაპირველად, ანტონ კათალიკოსი ქეთევანის სახეს ამგარად წარმოგვისახავს: „ასული ესე დავითისი, განბანილი ღმერთმყოფელითა საბანელითა, ჰეწავლული სარწმუნოებითა სამღედელოთა წერილითა და სათხოებათა მომგები, ქალ / წული მორცხვ, ბრძენი კეთილგონიერებისა გმევითა, ქალი ნარნარი და მწნე, კეთილთა მოქმედებათადმი ყრმაა შუენიერი და უშუენიერესი მიმადლებულებითა...“ (ბაგრატიონი, 1980: 16). სხვა აღილას: „ტბილსახელმან ქეთავან, არამედ, ოდეს მოიცალა ცრემლით დამლტობელმან ქუევანისამან მაღლობისაგან ღმრთისადმი...“ (ბაგრატიონი, 1980: 20-21).

აქვე აღსანიშნავია ისიც, რომ ქეთევანის გვერდით ანტონი არ იშურებს სიტყვას თეომურაზ პირველის შესამკობადაც, რაშიაც იგეთება ღვთისმთხოვა მეფის შთამბეჭდავი, გამოკვეთილი სახე, რომელშიც მეფის ხატებასთან ერთად სულიერი მხარე არის წინ წამოწეული, ფაქტობრივად, ყველა ღირსეული თვისებით ამკობს მას: „თეომურაზ პირუელი, გარგანი კეთილმსახურებისა, გოდოლი შეუძრუელი სიმჭიდვისა და ციხე უბრძოლუელი მამაცობისა, წალკოტი მოკრძალული მართლმადიდებლობისა, რომელმანცა „გამოიწერა ქრისტე თბს შორის“ (შდრ.: გალატ. 3, 1), დამცემი სპარსთა სპათა ურიცხუობისა, სიბრძნის-მოყუარებითა ჩინებული და რიტორ-პიიტიკოსობითა ყოვლად ქებული“ (ბაგრატიონი, 1980: 16).

ქეთევან წამებული წარმოსახულია ღმერთის სათხოებებით და სარწმუნოებით გაჯერებულ, კეთილგონიერ, ბრძენ, მწნე,

კეთილ საქმეთა მოქმედ, ყოველივე მშვენიერებით აღმატულ და აღვსებულ პიროვნებად, ამქვეყნად, მიწიერ გარემოში მყოფი, ვითარცა ანგელოზი უფლისა, რომელსაც დვორიური მადლი ფარაგს და ოვითონაც ამ მადლით კვებავდა ოვის რწმენას და ერს. იგი გახდა მცველი საკუთარი რწმენისა, რომელსაც ვერავითარი ვნება ვერ შეეხება, რადგან დედოფალი ყოვლად წმიდა სამების სამკვიდრებლად იყო გარდაქცეული. როგორც ანგონი წერს: „... რომელი ყოველთა თანმედროვეთა თუსთა აღმატა შინაგნითითა შუენიერებითა, ხედკო და საქმით. ამან უკუე ხატებად წმიდა ჰყო დაცეთა შეუმწიკულებელად და განპირიდა უზესთაეს ძალისა. ამან უკუე მოიგო ასხაურებად მაღალი და ყოვლად თავისუფალი, ესე იგი დმრთისმსახურებად და კეთილმეცნიერებითა განაშუენა...“ (ბაგრატიონი, 1980: 19).

დედოფალმა მტერს უდმრთოებად განუმარტა და „ქალმან ბრძენმან და წმიდათა განსჯათა მექონმან მოისიბრძნა მოწოდებად მთავართა კახეთისათა...“ (ბაგრატიონი, 1980: 20-21). ერთგან ანგონ პირველი ქეთვანს მოიხსენიებს არა მხოლოდ უდიდესი სიბრძნის მექონს, არამედ როგორც ზღვარდაუდებელ სულიერ ადამიანს: „ამას შინა დიდსულმან...“ (ბაგრატიონი, 1980: 22); „და ესრულ დაიკმოა გუნდრუკი იგი მრავალ-სუნნელი აღსლუად სამდოთოსამი საკურთხეველისა...“ (ბაგრატიონი, 1980: 449). კახეთის ერი ქეთვან დედოფალს ბრძნად და სასოებად სახავს, რაც ჩანს მათ მიმართვაში დედოფლისადმი: „გარდა მეფობისა შენისა არა ვისსამე დავემორჩილნეთ ბრძანებას“ (ბაგრატიონი, 1980: 20); ამის გამგონე „წმიდამან ქეთვან „კელითა მტკიცითა და მქლავითა მაღლითა“ (შდრ.: ფსალ. 135, 12) ჰქვენისა თვისისა და სამეცოვისამან შესაბამნი დმრთისმსახურებისა თვისისა შეჭსწირნა ცრემლით მადლობანი დმრთისადმი...“ გახარებული ერის დმერთისადმი აღვლენილ საგალობელში კი აქვე ვკითხულობით: „კურთხეულ ხარ შენ, უფალო დმერთო მამათა ჩუენთაო, რომელმან შეურაცხ-ყვენ დდეინ-დელსა ამას დდეხსა მტერი ერისა შენისანი კელითა ქალისათა (შდრ.: იუდით 13, 22-23). კიდევ: „აცხოვნა უფალმან ერთი თვისი და გბგსნნა ჩუენ უფალმან ყოველთა ამათ ბოროტაგან და ჰქმნა დმერთმან ნიშები და სასწაულები დიდი, რომელი არა იქმნა წარმართოა შორის“ (შდრ.: ესოერ. 9, 17) (ბაგრატიონი, 1980: 20). წმიდანის დვაწლი სასწაულებთანაა დაკავშირებული თუ გაიგივებული, რადგან სულიერ დვაწლს სასწაულების ქმნა შეუძლია.

ანტონის სიტყვით: „შუენის უკუე სიმდიდრე მეფეთად, მაგრა ქეთა / ვანისდა ერთი იყო სიმდიდრე წარუპარუელ და დაულექნელ სიბრძნისა კეთილგონიერად წმევითა, რამეთუ სა-დაცა უხრწნელად გებასა მოელოდა შრომით შექრებულთა უნ-ჯთასა“ (ბაგრატიონი, 1980: 21).

წმიდა ქეთევანი „დაგლახახნებოდა თუთ და განამდიდრებდა გლახახთა. ჭოლო ქრისტე დაგლახახნებულსა მისთვის გა-ნამდიდრებდა კეთილთაგან თუსთა, რაოდენ კმა ეყო... ხოლო უხუებით ქმნავ ქუელის საქმისა მტკიცედ უწყოდა მან სიმტკი-ცედ პატივისა დასრულებად ნუგეშინისცემისა“... (ბაგრატიონი, 1980: 21). აქვე აღსანიშნავია ანტონის მიერ წმიდა ქეთევანის ცხოვრების ორი მხარის – ხორციელისა და სულიერის ერთად შეზავების სრულყოფილების წარმოსახვა, თუ რაოდენ დაიტია მისმა სამყარომ ორივე სივრცე და ერთმანეთთან შეზავებულად სრულქმნა. ეს კი მხოლოდ სულიერ მოღვაწეთა ხვედრია. ან-ტონი წერს: „კეთილგონიერად იგმევდა სიბრძნესა, ორადრე ნა-წილად გამყოფი ყოველთა დროთა: ერთისა, ვიდრემე წარმგები განგებისათვს სახლისა და მეფობისა და მეორისა – სათხოე-ბათა მოგებისათვს. ხოლო დაღათუ ძნელ არს ორთავე ამათ შეერთებად, ესე იგი განგებისა მის თქმულისა და სათხოებათა წარმართებისა, მაგრა ესე ორთავე სრულებითა ყოველთა მძლე; თუთოეულისა სრულებით დაცსათვს ამან მხოლომან თანმედროვთა თუსთა შორის პყო ზავი ორთა მათ შორის წინააღმდეგომთა... და კუალად ესოდენ შემპსქუალულ იყო ღმრთისდა და საღმრთოთა იქმიდა...“ (ბაგრატიონი, 1980: 21-22).

ქეთევან დედოფლისათვის ხორცის დათრგუნვის მთავარი იარაღი იყო ერთ-ერთი მთავარი სათხოება - ლოცვა, რაც ეხმარებოდა ცოდვითმოსილი სხეულისაგან გათავისუფლებაში და წერისოფლის ძლევაში. ჯერ კიდევ ყრმა თეიმურაზის გამე-ფებისას, წმ. ქეთევანი შვილს თანაშეეწევა მეფობაში, რათა მეტად გამოცდილი იყოს და ამ მისიას დედოფლალი ასე აფისებს: „და განვისუენებ ამიერითგან მოცლილი ჭორციელთაგან და სოფლიოთა საქმეთა და ზრუნვა პჲყო სულიერთათვს ამიერ-ითგან საქმეთა“ (ბაგრატიონი, 1980: 23). წმიდა დედოფლალმან ყოველი „თავს-იდუა ვითარ დიდსულმან იობ ანუ ტობია“, – აღნიშნავს ავტორი (ბაგრატიონი, 1980: 26).

ისტორიულ წყაროებზე დაყრდნობით, ანტონ პირველიც სა-განგებოდ მოიხსენიებს კონსტანტინეს მიერ კახეთში დატრია-ლებულ ტრაგედიას. კონსტანტინეს მიერ მამის და მმის

მკვლელობის შემდეგ კახეთი განსაცდელმა მოიცვა. ეს განსაცდელი, უპირველესად, ქეთევანისთვის იყო მძიმე და როგორი, მაგრამ სიბრძნისა და გონიერების წყალობით დაითმინა ყოველი ტანჯვა და განსაცდელი. „მაშინ განსაცდელელითა სიბრძენი წმიდისად და წმიდა მოთმინება განსაცდელოთად დაიმრჩობლებოდენ განსაცდელი წმიდისად და წმიდა გარეშენოსან იქმნებოდა სასოებითა უფლისად, „რამეთუ ჭირნი მოთმინებასა შეუქმნიდა, ხოლო მოთმინება – გამოცდილებასა, ხოლო გამოცდილება – სასოებასა და არა პრცესუენა სასოებისაგან“ მოსაგვა (პრომ. 5, 3-5) (ბაგრატიონი, 1980: 27).

სახარებისეული სიბრძნის მოშეველიებით, ანტონ კათალიკოსი ქეთევანის წმიდანობას შარავანდელით მოსავს და ისე წარმოაჩენს მის მადლმოსილ და ქრისტეშემოსილ პიროვნებას, რომელმაც, ქრისტეს მსგავსად, ბევრი სატანჯველი მიიღო სამოსლად და სისხლის დათხევით ცოდვათა განწმედას მიაგო მოელი სულიერი ცხოვრება. მან „სამოსლითა სპეცაკითა განრცხილითა სისხლითა თუსითა“ (შდრ.: აპოკალ. 7, 14), გალეული, დამწვარი სხეულით შეძლო უფლის მფარველი მადლით დაეფარა და მოეზღუდა საკუთარი რწმენა; შაჲის შეთავაზებაზე ქეთევანს უარეს საკუთარი რწმენა, მიეღო სხვა რჯული და სანაცვლოდ პატივს დაიმსახურებდა, „წმიდამან მან არცა ერთისა მის ხრწნადისა და შლადისა პატივსა მათისა არარად მრაცხან, თუმცადა არარად არს. მისცა თავი თუსი ქრისტესთვეს სახიერავთა ტანჯუათა დიდითარე ტრუიალებითა და უშიშითა გონებითა, ვითარცა ლომმან“ (ბაგრატიონი, 1980: 449). აგრეთვე, იმავე სახარების სიბრძნეზე დაყრდნობით, „არა მოკლენი იყვნეს მაშინ ჭირნი ამის მართლისანი და ყოველთაგან იჯსნა უფალმან“ (შდრ.: ვსალ. 33, 18) სასოებისა მიმაღლებითა. აქსოვდა თქმული (ეპკლესიასტეს შინა ისუზირაქისსა), ვითარმედ „უკეთუ მიეახლო უფლისა დმრთისა მონებად, განუშეადე სული შენი განსაცდელსა შინა (ზირაქ. 2, 1) და „უკეთუ კეთილსა იქმოდეთ და გევნებოდესთ და მოითმენდეთ, ესე არს მადლი დვთისაგან“ (I პეტრე 2, 20). და ესრეთ ქეთავან არასადა „მეწიწნეულე სიცრუგით, არამედ მართალი სარწმუნოებით ცხოვნდებოდა“ (შდრ.: ამბაკ. 2, 4), სხუა იობ იქმნა განსაცდელთა შინა და სხუა ტობია სიბრმეთა შინა, ვითარმედ მოაკლდენ ორნივე ნათელნი ხედვისანი, ესე იგი ორნივე იგი ყოვლად შუენიერნი ყრმანი თუსნი“ (ბაგრატიონი, 1980: 27).

როდესაც შპმა დედოფალს ორივე ძისწული დაუსაჭურისა, თვითონ კი შირაზში გაგზავნა პატიმრად, ამ გასაჭირს, ძნელბედობას ისე გადმოსცემს, რომ ჩანს ავტორი კარგად იაზრებს ქეთევანის სულიერ სამყაროში მიმდინარე ძვრებს და ავტორი რამდენიმე კითხვას სვამის ისე, რომ დედოფლის შემდეგი გზა, ხვალინდელი დღე და ხვედრი უკვე განტვრეტილია: „და ვინ-მე მოუთხრნეს, თუ რაოდენი ტკიჭლი დედობრივნი შეუხდებოდეს შინაგან გულსა მისსა, ძისწულთა თვისთა იხილნა რა / ხი- გულილისა უმძველერესი ჭირნი და ოხერება სამეფოსა თვისთა და დარღუვა წმიდათა გაკლებისათა?“ (ბაგრატიონი, 1980: 448).

„ვინ-მე ესრეთ განპსწმიდა და მოკრძალნა ჭორცნი სიწმიდითა, დადათუ დაეყენა ქალწულებისაგან საკრუელითა ბუნებისათა განგებითა საღმრთოთა ამისათვს, რათა ნაყოფი მისი ჰმეფობდესმცა და ეს საქადულ იყოს ერისა ყოველთად?“ (ბაგრატიონი, 1980: 22).

ანტონ პირველი იშველიებს წმიდა მოძღვართა ნააზრევს იმის შესახებ, რომ კაცთა ზედა მოწევნილი პატიჟი, ტანჯვა ღმერთის განგებით განჩინებული განსაცდელია, რათა კაცნი განისწავლონ და განიწმინდონ ცოდვათაგან. განსაცდელი სრულყოფს ადამიანთა სისრულეს: „ვითარცა ოქრო ბრძმედსა შინა გამოჟსცადნა იგინი“ (სიბრ. 3, 6). წმიდა დედოფალმა ათი წლის ტყვეობაში ყოვნა იობის მსგავსად დაითმინა, გადაფარა მწუხარება, მისი სულიერი დვაწლი ზეცამდე იქნა აღწევნული, ამაღლებული. მტერმა მას ბოლოს მხოლოდ ხორციელად სძლია, რადგან ასკეტური დვწით მისუსტებული იყო. ანტონის სიტყვით, „შემდგომად ათისა წლისა მიიღო ჭელმწიფებად მტერმან სულსაცა მისსა ზედა ყოვლად უბისწოსა, რათა მარცვთა დაწულილებულთაგან და მდგრადებითა უსუსურთა და ჭმელსა ზედა წოლითა განდრესილთა ჭორცთაგან წარპტდესმცა“ (ბაგრატიონი, 1980: 28).

უკველგარი სატანჯველი წმ. ქეთავანმა ღმერთის სიყვარულის გამო, მისი სიყვარულის წყალობით დაითმინა და სულის უკანასკნელი ძაფებიც მას მიუძღვნა. „გარნა ესე ჰყუარობდა ღმერთსა, რამეთუ დაპსდუა სული თვისი მისოუს, ვითარმედ მეტყველი გვიბრძანებს უფალი: „უფროსი ამისა სიყუარული არავის აქუს, რათა სული თვისი დაპსდუას მეგობართა თვისთათვს“ (იოან. 15, 13), ვინა ქეთავან მეგობარი არს ღმრთისა“ (ბაგრატიონი, 1980: 28).

ავტორს წმიდა ქეთევანი უფლის მეგობრად ჰყავს წარმოხენილი: „ვითარმედ მეგობარ დმრთისა არს წმიდა ქეთევან...“ (ბაგრატიონი, 1980: 29) და ამიტომ ის შექმნის და განდიდების ღირების, იმსახურებს კვავილის გვირგვინით შემკული სიტყვით მისი მშვენიერების გადმოცემას და „გალობასა ახალსა“ (აპოკალ. 5, 9).

წმიდა დედოფლის სულიერი ღვაწლი მიმართული იყო არა კაცობრივი, ხორციელი, ამქვეყნიური კეთილდღეობისათვის, არამედ უფლის დიდებისათვის, დავთაებრივი სრულყოფისაკენ, ვითარმედ „საწუთო ესე მცირე ჭირი ჩუქნი გარდამატებულსა და გარდარეულსა დიდსა დიდებასა საუკუნესა შეიქმს ჩუქნთვ“ (II კორ. 4, 17) და რწმენით გაძლიერებულმა დედოფლი წარმოთქა: „ვერავინ განმაშორნეს ჩუქნ სიყუარულსა მას ქრისტესა: ჭირმან ანუ იწროებამან, დევნამ ანუ სიყმილმან, შიშლოებამან, ანუ ურუამან, ანუ მახკლმან“ (პრომ. 8, 35). მისი სული მოწოდებული იყო: „მრწამს მე, ვითარმედ არცა სიკუდილმან, არცა ცხოვრებამან, არცა ანგელოსთა, არცა მთავრობათა, არცა ძალთა, არცა ამან სოფელმან, არცა მან სოფელმან, არცა სიმაღლეთა, არცა სიღრმეთა, არცა სხუამან დაბადებულმან შემიძლოს ჩუქნ განშორებად სიყუარულსა დმრთისასა, რომელ არს ქრისტე იქსუს მიერ, უფლისა ჩუქნისა“ (პრომ. 8, 38-39).

ზემოთ აღვნიშნე, რომ წმიდანისათვის ხორციელებაზე გამარჯვების მთავარი იარაღი იყო ერთ-ერთი უმთავრესი სულიერი სათხოება – ლოცვა, რომელიც არის უფალთან მიახლების, მასთან ზიარების ერთ-ერთი მძლავრი გზა, რაც მიემართება ამქვეყნიურიდან ზეციურისაკენ და ადამიანს აკაგშირებს დავთაებასთან, მოკვდავის სამყოფი დრო-სივრცე უკვდავ, მარადიულ დრო-სივრცულ გარემოს გვაძლევს და ამ გარდაქმნის პროცესში ლოცვას, როგორი სახით თუ შინაარსობრივი დატვირთვითაც არ უნდა იყოს წარმოდგენილი, უდიდესი მნიშვნელობა აქვს; ქეთევან დედოფლის ლოცვა, რომელიც ანტონ პირველს აქვს ჩართული თავის თხზულებაში „შესხმა და მოთხრობა...“ ფაქტობრივად, თეიმურაზ პირველის პოემის „წამება ქეთევან დედოფლისა“ ლოცვის პერიოდაზირებას წარმოადგენს. ავტორი არც მაღავს, რომ ამ შემთხვევაში თეიმურაზის პოემის ლოცვის ტექსტს ეყრდნობა. ანტონ პირველის მიერ მოტანილი ქეთევან დედოფლის ლოცვა სალოცავ სახლში აღვლენილი, თავმდაბლობით, მუხლის მოდრეკით არის გამოხატული, რაშიაც მეტად ჩანს გედრება, სათხოვარი უფლისადმი,

აგრეთვე სინაული ცრემლით აღვხილი, რაც ცოდვათა შეგრძებას მოიაზრებს და გამოსავლის ძიების გზაც მეტად მოქებილია, რომელიც ღმერთისაკენ არის მიმართული.

ლოცვის სტრიქონებში, უპირველესად, ღმერთის, სამების, ერთი არსისა და თანაარსის მოხსენიება არის გამოხატული, ღმერთის, როგორც უხილავის, უცნაურის, გამოსათქმელად ძნელს, რომელიც ამქვეყნიერთა საფუძველს წარმოადგენს; გამოხატავს ველორებას უფლისადმი, დაიცვას ბოროტი ჰაერის მცველებისაგან, რისგან დაცვასაც მიმართავს სულთა მცველ ანგელოზს (აյ არ არის მოხსენიებული, მაგრამ იგულისხმება გაბრიელ მთავარანგელოზი, რომელიც თეიმურაზ პირველის „წამებაში“ დადასტურებულია), ევედრება გაულოს კარი, როგორც მის სასძლოს და აღრაცხოს წმიდა მოწამეთა დასში; წმ. ქეთევანი ლოცვაში აღიარებს ცოდვებს და შესთხოვს თანაშეეწიოს მონანიებაში, ევედრება წყლულთა განკურნებას, საკუთარი ძის, თეიმურაზის ძლევას მტერზე, საუკუნო სუფევის მონიჭებას, უფალთან ერთად თხოვნას აღავლენს მარიამ დვთისმშობლის მიმართ, ძის, უფლის განგების თანაშეეწევნით შეიწყალოს, ლოცვის შემდეგ დედოფალმა „მიიღო უხრწნელი და პატიოსანი ჭორცი და სისხლი უკუდავისა სიტყვას“, ე. ი. დედოფალი ეზიარა უკვდავების მიმიჭებელ მაცხოვრის საიდუმლოს და კიდევ ერთხელ შესთხოვს უფალს მისი მხევალი დაიცვას ეშმაკისაგან.

წმ. ქეთევანი გვევლინება უბიწო მსხვერპლად შეწირული დვთიური საბურთხევლის დასამკვიდრებლად. იგი, ზეციური სასძლო, ორი ცხოვრებიდან – მიწიერი და ზეციერი – მეორეს ირჩევს. ამის გამო ავტორი აღნიშნავს, რომ სახიერი ქრისტე დატკბებოდა, მოსაგებელი ძვირფასობდა... ანტონი ასეთ მხატვრულ ფრაზასაც იყენებს: „აღვიდა რტო კუამლისა აღმოსრული უდაბნოთაგან“ (შდრ.: ქებ. 3, 6), სული იგი მისი ყოვლად განწმედილი სასძლოსა ზეცისასა „ეკკლესიასა მას პირშოთასა დმრთისა და მჰსაჯულისა ყოველთასა და სულებისა მართალთა აღსრულებულთასა“ (ქბრ. 12, 23).

ავტორის სიტყვით, „მოიღუაწა დუაწლი კეთილი, ადასრულა პსერ / ბაი სარწმუნოებაი, დაიმარხა სამოციქულო, მიიღო გპრგპნი სიმართლისა“ (შდრ. 2 ტიმოთ. 4, 7) (ბაგრატიონი, 1980: 33); აგრეთვე: „ესე დმრთივ დიდებული და მრავალბრწყინუალე მოწამე ქრისტესი“ (ბაგრატიონი, 1980: 448); „მეორე მზე“

ქართველთა, / ყოველთ მაარსის დედისა თჯებითა, / ცხებულთ-აგანი, ცხებულთა დედოფალი“. აქ ქეთევანი დვთისმშობლის ხატ-სახის ანალოგით არის წარმოსახული, რომელიც წარმოადგენს მაცხოვნებელი, მაცოცხლებელი ძალის მიმნიჭებელ სახე-ხატს, რომელმაც მრავალი გასაჭირი იტვირთა საკუთარ თავზე. აქვე მოვიტან ამ აზრის შესატყვის ადგილს თემურაზ პირველის პოვიდან „წამება ქეთევან დედოფლისა“:

„დედობრივისა ბუნებით თავს იდევ ესე ჭირები,
ჰპოვე უკვდავი ცხოვრება საცვიფრო, განსაკვირვები“ (70, 1-2) (თემურაზ პირველი, 1934).

გრიგოლ დოდორქელის საგაალობელ ში ვკითხულობთ: „უზე შთაეს მოღვაწეთა მათ დედათა ღუაწლით შემოსილსა, უახოვნეს გამოსჩნდი, ყოვლად სანატრელო ქეთაონ, და დასთრგუნე ფერწითა შენითა მოქადულობად მძლავრისა...“ კიდევ: „დაუთმენ-ელნი სატანჯველნი თაგს ისხენ სიყუარულითა ქრისტეს მეუფისათა დედათა შორის, და მოიგე მოსაგებელად განხერწნადო წილ უხრწნელი“ (დოდორქელი, 1968: 150).

წმ. ქეთევანმა „გულმეოქუმან გორცთაგან განსულისა და ქრისტეს თანა მისულისამან“ (შდრ.: ფილიპ. 1, 23) შეაერთა და შეაკავშირა მიწიერი და სადვოო, კეთილს კეთილი შემატა. წჭაროების გადმოცემით, წამებულის ნაწამებ სხეულზე სადმრთო ნათელი გადმოვიდა, რომელიც მიანიშნებდა იმაზე, რომ იგი ქრისტეს სარწმუნო მოწამე გახდა.

დასკვნა. ამრიგად, ანტონ I კათალიკოსმა თავისი თხზულებებით წარმოაჩინა ქეთევან წამებულის სულიერი, მოწამეობრივი ღვაწლი და ამით დვთისმშობლის ანალოგით ერის და ოწმენის მფარველი კალთის მექონი პიროვნების სახე-ხატის კიდევ ერთი მხატვრული გააზრება მოგვცა ქართულ მწერლობაში.

დამოწმებული ლიტერატურა:

ახალი აღთქუმა, 1963 – ახალი აღთქუმა, საკათალიკოსო საბჭოს გამოცემა, ტფ., 1963.

თემურაზ პირველი, 1934 – თემურაზ პირველი, თხზულებათა სრული კრებული, ალ. ბარამიძისა და გ. ჯაკობიას რედაქციით, თბ., 1934.

ბაგრატიონი, 1980 – ბაგრატიონი ანტონ, „შესხმა და მოთხრობა ღუაწლთა და ვნებათა წმიდისა დიდისა მოწამისა დედოფლისა ქეთავანისთა“, ძველი ქართული პაგიოგრაფიული ლიტერატურის

ძეგლები, წიგნი VI, ტექსტი გამოსაცემად მოამზადეს, გამოკვლევა, ლექსიკონი და საძიებლები დაურთეს ენრიკო გაბიძაშვილმა და მიხეილ ქავთარიამ, თბ., 1980.

ბაგრატიონი, 1980 – ბაგრატიონი ანტონ, „სკნაქსარი პირუელად სათუეოთაგან და მერმე წმიდისა ქეთავანისა“, ძველი ქართული პაგიოგრაფიული ლიტერატურის ძეგლები, წიგნი VI, ტექსტი გამოსაცემად მოამზადეს, გამოკვლევა, ლექსიკონი და საძიებლები დაურთეს ენრიკო გაბიძაშვილმა და მიხეილ ქავთარიამ, თბ., 1980.

ბიბლიის ლექსიკონი, 2000 – ბიბლიის ლექსიკონი (მასალები), ტ. I, შემდგენლები: ელგუჯა გიუნაშვილი, ზურაბ კალანდაძე, რედ.: ზურაბ სარჯველაძე, 2000.

ბეთხოშვილი, 2010 – ბეთხოშვილი დ., სიკვდილ-სიცოცხლის პრობლემა მველ ქართულ მწერლობაში (იაკობ ხუცესის „წმიდა შუშანიკის წამება“, ოემზურაზ პირველის „წამება ქეთევან დედოფლისა“), ტ. I, თბ., 2010.

ბეთხოშვილი, 2012 – ბეთხოშვილი დ., სიკვდილ-სიცოცხლის პრობლემა მველ ქართულ მწერლობაში (იაკობ ხუცესის „წმიდა შუშანიკის წამება“, ოემზურაზ პირველის „წამება ქეთევან დედოფლისა“), ტ. II, თბ., 2012.

დოდორქელი, 1968 – დოდორქელი გრიგოლ, „თუესა სეკდენ-ბერსა ი-გ წმიდისა და სანატრელისა დედოფლისა და მოწამისა ქეთევანისი, ძველი ქართული პაგიოგრაფიული ლიტერატურის ძეგლები“, წიგნი IV, გამოსაცემად მოამზადა და გამოკვლევა დაურთო ენრიკო გაბიძაშვილმა, თბ., 1968.

წმ. ისააკ ასური, 1991 – წმ. ისააკ ასური, წიგნში: „სიტყვა მართლისა სარწმუნოებისა“, წიგნი. III, თბ., 1991.

ქავთარია, 1977 – ქავთარია მიხ., ძველი ქართული პოეზიის ისტორიიდან, თბ., 1977.

ცინცაბაძე, 1989 – ცინცაბაძე მ., ქეთევან დედოფლის სახის ევოლუცია ანტონ ბაგრატიონის თხზულებებში, კრებ. „ლიტერატურული ძიებანი“, ტ. III (XVIII), თბ., 1989.